

Kolynda

Blaf

Ze dwa tydzień przed Wilijóm
Móndrzy prawióm - śniyg nie beje
Gdo nimo sónki a skijsje
Tak se tymu yny śmieje

(2x)Hej, hej kolynda, nie beje śniyg na świynta
Nie beje śniyg na świynta, heja, heja, hou

Ci co se śmioli teraz płaczóm
Bo je wszecko pod pierzinóm
Nie zbywo im nic inszigo
Niż iść do Stańka na piwo

(2x)Hej, hej kolynda, nakurził śniyg na świynta ...

Rano wczas mie mama budzi
Marsz na rynek, bo moc ludzi
Z bloków wychodzo s kiblami
Aż tu to czuć je rybami

(2x)Hej, hej kolynda, jodómy kapry na świynta ...

U telewize dziecka czuczóm
Tak skijować se nienauczóm
Blizzard, Marker, szpiczki, piynty
nie umióm śpiywać kolyndy

(2x)Hej, hej kolynda, trza sztróm wypnyć na świynta ...

Byjmy radzi, że mómy dóma
Kupa roboty z garcami
Z umywanim a z uciyranim
To znaczy, że my nie sóm sami

(2x)Hej, hej kolynda, samymu źle je na świynta...

Jurek jeździ z popielnicóm
Po rynku a je szpinawy
Kupi jabczok z rybizlokym
Wlezie w swój kwartyr smradlawy

(2x)Hej, hej kolynda, ożere se na świynta ...

Na przegnitych madracziskach
Śniło se mu o Betlymku
Przikrył se starym kabotym
Strómek świyci mu na rynku

(2x)Hej, hej kolynda, aj tak wyglóndajóm świynta ...